



REPUBLIKA E SHQIPËRISË
KOMISIONI I PROKURIMIT PUBLIK

Nr. Prot. 8/1

Tiranë, më 19.01. 2015

Drejtuar: Qendra "Res Publica"

Adresa: Rr. "Nikolla Tupe", Pall.4, Shk.1, Ap.5.

TIRANE

Lënda: Kthim përgjigje

Në përgjigje të shkresës suaj, protokolluar me tonën nr. 9 prot., datë 07.01.2015, "*Kërkesë për informacion dhe vënie në dispozicion të dokumentave zyrtare*", ju bëjmë me dije se, Komisioni i Prokurimit Publik ushtron veprimtarinë e tij në përputhje me Kushtetutën, me ligjin nr. 9643, datë 20.11.2006 "*Për prokurimin publik*", të ndryshuar, me ligjin nr. 8485, datë 12.5.1999 "*Kodi i Procedurave Administrative i Republikës së Shqipërisë*", me ligjin nr. 8480, datë 27.5.1999 "*Për funksionimin e organeve kolegjiale të administratës shtetërore dhe enteve publike*", me ligjin nr. 9131, datë 8.9.2003 "*Për rregullat e etikës në administratën publike*", me akte të tjera, ligjore dhe nënligjore, si dhe në përputhje me *Vendimin e Këshillit të Ministrave nr. 184, datë 17.03.2010, "Për miratimin e rregullores "Për organizimin dhe funksionimin e Komisionit të Prokurimit Publik"*.

Për sa më sipër, marrja e vendimeve të Komisionit të Prokurimit Publik, bëhet në përputhje me aktet normative të mësipërme, e në veçanti me ligjin nr. 8480, datë 27.5.1999 "*Për funksionimin e organeve kolegjiale të administratës shtetërore dhe enteve publike*", dhe i gjithë informacioni publik përfshihet në vendimet që publikohen në faqen e internetit të Komisionit të Prokurimit Publik.

Në mbështetje të ligjit nr. 119/2014 "*E drejta për informim*", dhe përkatësisht nenit 3, pika 3 e tij, në të cilin parashikohet se, njohja me informacionin publik mund të bëhet, duke marrë një kopje të tij në formën ose formatin që mundëson akses të plotë në përmbajtjen e dokumentit, po ju vëmë në dispozicion kopje të dokumentave të kërkuara. Këtë informacion mund ta gjeni edhe në faqen zyrtare të Komisionit të Prokurimit Publik (www.kpp.gov.al).

Në vijim, në lidhje me kërkesën tuaj të dytë nëse ka marrë pjesë kryetari i KPP-së në vendimet e përcaktuara në shkresën tuaj, ju sqarojmë se përgjigja juaj është pasqyruar në vendimet përkatëse, pasi që në krye të vendimit janë të pasqyruar anëtarët, të cilët kanë qenë pjesë e vendimarrjes. Sqarojmë se, nënshkrimi i kryetarit në këto vendime vjen si detyrim

ligjor i tij (titullar institucioni) në mungesë të zv/kryetarit, përcaktuar në VKM nr. 184, datë 17.03.2010, "Për miratimin e rregullores "Për organizimin dhe funksionimin e Komisionit të Prokurimit Publik.

Ju uroj punë të mbarë.

Me respekt!

KRYETAR

GENTIAN KËRI

